

Broj: 01-01.3-4392-8/19 MA

Datum: 23.10.2019. godine

Na osnovu člana 70. stav (4) Zakona o javnim nabavkama ("Službeni glasnik BiH", broj 39/14), te preporuke Komisije za javne nabavke konstatovane u Zapisniku o pregledu i ocjeni ponuda, broj: 01-01.3-4392-7/19 MA od 23.10.2019. godine, direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU o poništenju postupka javne nabavke

I

Poništava se pregovarački postupak bez objave obavještenja o nabavci, broj: 01-01.3-4392/19 MA koji se odnosi na nabavku usluga: „Nadzor nad dodatnim radovima na sanaciji klizišta na lokalitetu Ban brdo”, u skladu sa članom 69. stav (2) tačka d) Zakona o javnim nabavkama (u daljem tekstu: Zakon), jer nijedna od primljenih ponuda nije prihvatljiva.

II

Zahtjev za učešće/ponuda kandidata/ponuđača Građevinski fakultet u Sarajevu odbacuje se kao neprihvatljiv(a), u skladu sa članom 68. st. (1) i (4) tačka i) Zakona.

III

Poziv za dostavu zahtjeva za učešće i inicijalne ponude u pregovaračkom postupku nabavke bez objave obavještenja o nabavci je objavljen na web stranici ugovornog organa www.jpautoceste.ba, u skladu sa članom 28. stav (4) Zakona.

IV

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba.

O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 17. stav (1), 18. stav (1) i 23. stav (1) tačka b) Zakona, pokrenulo pregovarački postupak bez objave obavještenja o nabavci, broj: 01-01.3-4392/19 MA za nabavku usluga: „Nadzor nad dodatnim radovima na sanaciji klizišta na lokalitetu Ban brdo”. Poziv za dostavu zahtjeva za učešće i inicijalne ponude u pregovaračkom postupku nabavke bez objave obavještenja o nabavci je objavljen na web stranici ugovornog organa www.jpautoceste.ba. Poziv je dostavljen na adresu jednog privrednog subjekta i to: Građevinski fakultet Univerziteta u Sarajevu, sa kojim je zaključen osnovni ugovor za pružanje usluga: „Nadzor nad radovima na hitnim mjerama sanacije novonastalih klizišta na dionici Vlakovo – Lepenica“, a



koji obuhvata usluge nadzora nad radovima sanacije klizišta na lokalitetu Treševine i lokalitetu Ban Brdo.

Na zahtjev kandidata/ponuđača produžen je rok za prijem zahtjeva za učešće/ponuda, te je u novom utvrđenom roku (21.10.2019. godine) blagovremeno zaprimljen jedan zahtjev za učešće i inicijalna ponuda kandidata/ponuđača Građevinski fakultet u Sarajevu. Zahtjev za učešće i inicijalna ponuda ne ispunjavaju sve uslove propisane Pozivom za dostavljanje zahtjeva za učešće i inicijalne ponude u pregovaračkom postupku bez objave obavještenja o nabavci, kako u pogledu kvalifikacionih uslova (zahtjev za učešće), tako i u pogledu Tehničkog opisa (inicijalna ponuda), te je Komisija dala prijedlog da se zahtjev za učešće/ponuda kandidata/ponuđača Građevinski fakultet u Sarajevu odbaci se kao neprihvatljiv(a), što je ugovorni organ prihvatio. Detaljni razlozi odbacivanja zahtjeva za učešće i inicijalne ponude kandidata/ponuđača Građevinski fakultet u Sarajevu dati su Zapisniku o pregledu i ocjeni ponuda, broj: 01-01.3-4392-7/19 MA od 23.10.2019. godine, koji je Komisija sačinila i dostavila, a koji je sastavni dio ove Odluke.

Shodno prijedlogu i preporuci Komisije za javne nabavke, poništava se pregovarački postupak bez objave obavještenja „Nadzor nad dodatnim radovima na sanaciji klizišta na lokalitetu Ban brdo” u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**izvršni direktor
za upravljanje i održavanje:**

.....
Marin Jelčić, dipl.ing.saob.

direktor:

.....
Adnan Terzić, dipl.ing.



Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 3386902296564549
Registровано u Općinskom sudu u Mostaru, MBS 58-01-0179-10

Broj: 01-01.3-4392-7/19 MA

Datum: 23.10.2019.godine

U skladu sa članom 65. Zakona o javnim nabavkama („Službeni glasnik BiH“, broj: 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“, broj: 103/14), članom 18. Uputstva za pripremu modela tenderske dokumentacije i ponuda („Službeni glasnik BiH“, br.: 90/14 i 20/15) i članom 14. Pravilnika o javnim nabavkama JP Autoceste FBiH d.o.o. Mostar, broj: NO 1.01-724-11/15 od 24.02.2017. godine i NO 1.01-3309-3/19 od 26.07.2019. godine, Komisija dostavlja:

ZAPISNIK O PREGLEDU I OCJENI ZAHTJEVA ZA UČEŠĆE I INICIJALNE PONUDE u pregovaračkom postupku bez objave obavještenja o nabavci

- 1. Naziv i sjedište ugovornog organa:** JP Autoceste FBiH d.o.o. Mostar
- 2. Predmet nabavke:** „Nadzor nad dodatnim radovima na sanaciji klizišta na lokalitetu Ban brdo“.
- 3. Evidencijski broj nabavke:** 01-01.3-4392/19 MA
- 4. Posebni slučajevi i okolnosti iz čl. 21.-24. Zakona koji opravdava korištenje ovog postupka:** Postupak se provodi u skladu sa članom 23. stav (1) tačka b) Zakona o javnim nabavkama (u daljem tekstu: Zakon) koji propisuje da se ugovor o javnoj nabavci usluga može zaključiti u pregovaračkom postupku bez objave obavještenja u slučaju ugovora o javnoj nabavci usluga za dodatne usluge koje nisu uključene u prvobitno razmatrani projekat ili u prvobitno zaključen ugovor, ali koje usljed nepredviđenih okolnosti, postanu neophodne za izvršenje ili izvođenje u njima opisanih usluga, i kada se takve dodatne usluge ne mogu tehnički ili ekonomski, odvojiti od osnovnog ugovora bez većih nepogodnosti za ugovorni organ. Takav ugovor može se zaključiti s dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne usluge ne može preći 30% od vrijednosti osnovnog ugovora.
- 5. Datum slanja poziva za dostavu zahtjeva za učešće/inicijalne ponude:** Dana 03.10.2019. Poziv za dostavljanje zahtjeva za učešće i inicijalne ponude u pregovaračkom postupku bez objave obavještenja o nabavci, broj 01-01.3-4392-1/19 od 23.10.2019. godine upućen je na adresu ponuđača sa kojim je zaključen osnovni ugovor „Nadzor nad radovima na hitnim mjerama sanacije novonastalih klizišta na dionici Vlakovo-Lepenica“ u toku čije realizacije se pojavila potreba za dodatnim uslugama, te je istog dana, u skladu sa članom 28. stav (4) Zakona, Poziv objavljen na web stranici ugovornog organa www.jpautoceste.ba.
- 6. Naziv i sjedište svih ponuđača, prema redoslijedu zaprimanja zahtjeva za učešće/inicijalnih ponuda:**
 - 1. Građevinski fakultet u Sarajevu,** zaprimljena dana 21.10.2019. godine u 10:28 sati, sa ponuđenom cijenom u iznosu od 7.800,00 KM bez uračunatog PDV-a, odnosno 9.126,00 KM sa uračunatim PDV-om.
- 7. Datum početka pregleda i ocjene inicijalne ponude:** 22.10.2019. godine.



2

8. Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača: Kandidat/ponuđač je, na osnovu Poziva za dostavljanje zahtjeva za učešće i inicijalne ponude u pregovaračkom postupku bez objave obavještenja o nabavci upućenog od strane ugovornog organa, blagovremeno, u roku koji je produžen na zahtjev kandidata/ponuđača, dostavio zahtjev za učešće i inicijalnu ponudu koja je ispunjavala slijedeće uslove i zahtjeve postavljene u Pozivu, odnosno dostavio je slijedeće dokumente:

- Izjavu o ispunjenosti uslova iz člana 45. stav (1) tač. a) do d) Zakona,
- dokaze o ispunjavanju uslova iz člana 45. stav (1) tač. a) do d) Zakona (obične kopije), izuzev uvjerenja/potvrde Suda BiH kojima dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- Pismenu izjavu iz člana 52. Zakona,
- dokaz o registraciji za obavljanje profesionalne djelatnosti koja je predmet nabavke (ovjerena kopija),
- popunjen Obrazac za inicijalnu ponudu,
- popunjen Obrazac za cijenu inicijalne ponude,
- Tehnički opis koji nije parafiran.

9. Analitički prikaz traženih i dostavljenih dokaza tehničke i profesionalne sposobnosti ponuđača: Nisu traženi dokazi tehničke i profesionalne sposobnosti.

10. Podaci o pojašnjenju dokumenata u skladu sa članom 68. stav (3) Zakona ako ih je bilo: Nije traženo pojašnjenje dokumenata.

11. Prikaz valjanosti zahtjeva za učešće/inicijalnih ponuda prema obliku, sadržaju i cjelovitosti: Zahtjev za učešće - inicijalna ponuda kandidata/ponuđača je ovjerena i potpisana, te je čvrsto uvezana (uvez jemstvenikom), s tim što ne sadrži svu zahtijevanu dokumentaciju.

12. Razlozi za odbijanje zahtjeva za učešće/inicijalne ponude zbog neprirodno niske cijene: Nije primjenjivo.

13. Naziv i sjedište kandidata/ponuđača koji se isključuju te obrazloženje razloga njihovog isključenja: U pregovaračkom postupku bez objave obavještenja o nabavci se već u prvoj fazi – fazi dostavljanja zahtjeva za učešće, dokazi o ispunjavanju uslova iz člana 45. Zakona moraju dostaviti u vidu Izjave o ispunjenosti uslova iz člana 45. Zakona i običnih kopija dokumenata kojima se dokazuje ispunjavanje navedenih uslova, shodno članu 3. stav (2) tačka c) alineja 2) Uputstva za pripremu modela tenderske dokumentacije i ponuda koji propisuje da se minimalni uslovi za kvalifikaciju kandidata u ograničenom postupku, pregovaračkom postupku sa objavom obavještenja, takmičarskom dijalogu i pregovaračkom postupku bez objave obavještenja, dokazuju izjavom ponuđača ovjerenom kod nadležnog organa i običnim kopijama dokumenata koji dokazuju kvalifikaciju kandidata.

Kandidat/ponuđač Građevinski fakultet u Sarajevu je u zahtjevu za učešće/inicijalnoj ponudi dostavio dokumentaciju navedenu u tački 8. ovog Zapisnika. Tako je kandidat/ponuđač, u pogledu ispunjavanja uslova iz tačke 1.1 Poziva za dostavljanje zahtjeva za učešće i inicijalne ponude u pregovaračkom postupku bez objave obavještenja o nabavci (član 45. stav (1) tač. a) do d) Zakona) dostavio Izjavu o ispunjenosti uslova iz člana 45. stav (1) tač. a) do d) Zakona, te dokaze o ispunjavanju uslova iz člana 45. stav (1) tač. a) do d) Zakona (obične kopije), s tim što je kao dokaz o ispunjavanju uslova iz člana 45. stav (1) tačka a) Zakona od traženih potvrda/uvjerenja dostavio samo Uvjerenje Općinskog suda u Sarajevu, dok uvjerenje/potvrdu Suda BiH kojima dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za



2

korupciju, prevaru ili pranje novca, nije dostavio, iako je isto zahtijevano tačkom 1.2 a) Poziva, a posebno naglašeno i u Napomeni iza tačke 1.3 Poziva.

Nadalje, tačkom 4. Poziva zahtijevano je da inicijalna ponuda treba da sadži parafiran Tehnički opis. Kandidat/ponuđač Građevinski fakultet u Sarajevu je dostavio parafiranu prvu stranicu Tehničkog opisa, dok drugu (ujedno i posljednju) stranicu istog nije parafirao.

Imajući u vidu naveno, Komisija daje preporuku da se zahtjev za učešće/ponuda kandidata/ponuđača Građevinski fakultet u Sarajevu odbaci kao neprihvatljiv(a), u skladu sa članom 68. st. (1) i (4) tačka i) Zakona.

14. Prijedlog odgovornoj osobi ugovornog organa za donošenje odluke o izboru:

S obzirom da je do krajnjeg roka za prijem zahtjeva za učešće/ponuda, koji je produžen na zahtjev kandidata/ponuđača, dostavljen jedan zahtjev za učešće i inicijalna ponuda, i to od kandidata/ponuđača Građevinski fakultet u Sarajevu, a da isti/ista ne ispunjavaju sve kvalifikacione uslove iz člana 45. Zakona, niti sve uslove koji su se odnosili na inicijalnu ponudu (Tehnički opis nije parafiran), Komisija za javne nabavke predlaže direktoru Javnog preduzeća Autoceste FBiH d.o.o. Mostar da donese odluku kojom se:

- pregovarački postupak bez objave obavještenja za nabavku usluga "Nadzor nad dodatnim radovima na sanaciji klizišta na lokalitetu Ban brdo" poništava u skladu sa članom 69. stav (2) tačka d) Zakona, iz razloga što nijedna od primljenih ponuda nije prihvatljiva,
- zahtjev za učešće/ponuda kandidata/ponuđača Građevinski fakultet u Sarajevu odbacuje kao neprihvatljiv(a), u skladu sa članom 68. st. (1) i (4) tačka i) Zakona.

15. Datum završetka postupka pregleda i ocjene zahtjeva za učešće i inicijalnih ponuda: 23.10.2019. godine;

16. Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalnih i/ili konačnih ponuda:

Članovi komisije:

Melika Alajbegović, predsjednik komisije

Amra Kahrimanović, član komisije

Mario Rotim, član komisije

Melika Alajbegović
Amra Kahrimanović
Mario Rotim

Saglasan:

Adnan Terzić
Adnan Terzić, dipl.ing.
direktor

